

Ἐν ἀρχῇ ἦν ὁ λόγος καὶ ὁ λόγος
ἦν πρὸς τὸν θεὸν καὶ θεὸς ἦν ὁ
λόγος οὗτος ἦν ἐν ἀρχῇ πρὸς τὸ
θεὸν πάντα δι' αὐτοῦ ἐγένετο κο
χωρὶς αὐτοῦ ἐγένετο οὐδὲ ἐν ο
γονεὶν ἐν αὐτῷ ζωὴ ἦν καὶ ἡ ζω
ὴ τὸ φῶς τῶν ἀνθρώπων καὶ τ



Арван нэгдүгээр бүлэг
ДАХИН АМИЛАЛТ, ПЕНТЕКОСТ БА
ЭХЭН ҮЕИЙН СҮМ



Ийм юм болно гэж Есүс бид нарт олон удаа хэлж байсан юмаа. Харин яагаад ийм юм болох ёстойг л би ойлгохгүй байгаа юм. Өөрөө л яг ингэж үхэхийг хүссэн юм шиг санагдаад байх юм. Бүх юмыг болох цаг нартай нь мэдэж байсан шүү. Дөнгөж өчигдөр шөнө л гэхэд бид нарт бас хэлж байсан юм даа.

За за хурдал. Орой болчихлоо.



Биед нь түрхэх үнэрт тос бэлдээгүй байгаа шүү дээ.

Саббат өдөр өнгөрөхөөр буцаж ирье дээ.

Тэгэхээр чинь бараг гурав хоночих гээд байна шүү дээ!

Тэгэхээс өөр арга алга даа.

Үүгээр яв. Доошоо буухдаа болгоомжтой байгаарай.



Тахилчид Пилат уруу буцаж ирэв.

Таны дөнгөж сая цовдолсон тэр худалч гурван өдрийн дараа булшнаасаа эргэн амилна гээд байсан юм.

Дагалдагчид нь булш уруу шургалж ороод, шарилыг нь аваад явчихвал бүр бөөн шуугиан болно. Иймэрхүү юмнаас сэргийлэхийн тулд та булшных нь гадаа цэргүүдээр мануулаад өгөөч.

Манай цэргүүдийг би явуулья. Та нар чадахаараа л хамгаал.



За энэ лац тэмдэгт ямар ч хүнийг хүргэж болохгүй шүү.

Манай хүмүүсийг хэн ч давж гарч чадахгүй ээ.













Есүсийг үхлээс амилсан гэсэн мэдээнд дагалдагчид итгэсэнгүй.

Петр, Иохан хоёр яваад булшнаас юу ч олоогүй гэнэ лээ. Хэн нэгэн хүн шарилыг нь хулгайлчихсан байх л даа. Тэр хэдэн солиотой хүүхэн яриагаа болих хэрэгтэй. Хүмүүсийг шал дэмий самуруулж байх юм.

Бид нар буцаад Еммау явлаа. Одоо бидэнд **энд** байх хэрэг огт алга.



Энэ чинь гурав дахь өдөр нь байх аа.

Харин тийм ээ. Гэхдээ буцаад л амилчих байсан юм бол тэр хүмүүсээр Өөрийгөө алуулаад яадаг байна аа?

Тийм шүү. Хэрвээ **хаан** болох хүсэлтэй байсан юм бол ингэж **нууцаар** хиймээргүй юм даа. Тийм биз дээ?



Би та нартай цуг явж болох уу?

Ёооох! Та намайг айлгачихлаа. Хаанаас гараад ирэв ээ?

Бололгүй яахав. Алхахад сайхан өдөр байна.



Намайг та нарын хажууд ирэхэд та хоёр нэг юм ярьж явсан. Та нар нилээд **гунигтай** харагдаад байх юм.

Назарын Есүсийн талаар энэ өнгөрсөн хэд хоногт та юу ч **дуулаагүй** юм уу?



Бид нар уул нь Түүнийг **Мессиа** юм байх гэж найдаж байсан юм. Тэгтэл **повдлогдоод** алагдчихлаа.

Өнөө өглөө хэдэн хүүхэн булшин дээр нь очтол **бие нь байхгүй** байсан гэнэ! Тэд нар бас өөрсдийгөө **тэнгэр элчтэй** уулзсан. Тэгээд тэр элч нь Есүсийг **амьд байгаа** гэж хэлсэн гээд байгаа юм.



Тэгээд дагалдагчдын хоёр нь булц уруу гүйж очсон боловч **Есүсийг ч, тэнгэр элчийг** ч олж хараагүй байна. Харин бие нь **алга байсан** гэнэ.

Та нар Мессиагийн талаар эш үзүүлэгчдийн бичсэн зүйлст итгэхдээ хойрго юм аа. Бичээст Есүсийг эхлээд иймэрхүү байдлаар зовон шаналаад, дараа нь сүр жавхланта хаанчлалаа авчирна гэж зөгнөсөн байдаг биш бил үү?

Ромчуудад цовдлогдсон, **тэр Назарын Есүс өөрийгөө Христ буюу Бурхан Эцэгтэй адил тэнцүү гэж байсан**, тийм биз дээ? Исаиа Христийг “Хүчит Бурхан, мөнхийн Эцэг гэж дуудагдана” гэж хэлсэн байдаг. Есүс бас Өөрийг нь харсан бол Эцэгийг мөн харсантай адил гэж хэлээгүй гэж үү? Хэлээд байсан болгон нь **ариун Бичээстэй** яг таардаг юм даа.

Исаиа бас Христийг Израиль, Иуда хоёрт хоёуланд нь **иудей хаан** байхгүй үед ирнэ гэсэн байдаг юм. Тэгвэл **одоо яг тэр цаг мөн** байна. Цааш нь Исаиа хэлэхдээ Есүсийг **хүнтэй хавьтаж үзээгүй эмэгтэйд** олдож төрнө гэсэн байдаг. Бас эш үзүүлэгч Микагийн хэлснээр Иудагийн **Бетлехемд** төрөх ёстой бөгөөд **Есүс ч** тэнд л **төрсөн**.

Олон эш үзүүлэгч Есүсийг **Давид** хааны удмаас төрнө гэсэн байдаг. Тэгвэл Иосеф, Мариа хоёр хоёулаа Давидын удмынх.

Есүс Израильчуудад гологдоно гэж Исаиа урьдаас хэлсэн юм. Эш үзүүлэгчид ч Есүсийн зовон шаналахыг мэдэж байсан. Гучхан мөнгөн зоосны төлөө анд нөхөр нь Есүсээс урван барьж өгөхөд буруутгагчийнхаа өмнө Өөрийгөө өмгөөлж хамгаалахгүйгээр тамлуулан зодуулж, сахал үсээ хүртэл зулгаалгуулна гэсэн байдаг. Хүмүүс Түүнийг нүцгэлэн, нүүр ам руу нь нулимаж болно гэсэн байдаг.

Эш үзүүлэгч Зехариа Аврагчийг **мах цусаа уруулан** шархдаж, өөрсдийнхөндөө зодуулж, гар хөлөө хадуулан, нядлагдах хурга мэт **үхээд** эцэст нь **Тэр баян хүний** булшинд оршуулагдана гэжээ.

Мөн эш үзүүлэгч хэлэхдээ Христ **сохроудыг хараатай болгож**, хоригдогсдыг суллаж, Израилийн хоньчин буюу Сионы **Чөлөөлөгч** болон ирнэ гэсэн ажээ.

Гэхдээ энэ зүйл Өөрийнх нь хэрээс хэтэрсэн хэцүү асуудал байсан юм биш. Амийг нь хэн ч **авч** чадахгүй, харин Өөрөө л Өөрийнхөө хүмүүсийн төлөө амиа өгнө гэж Есүс хэлээгүй гэж үү? Есүс шархдаж амь сүнсээ гэм нүглийн төлөө **өргөл** болгон өргөх нь Бурханд тааламжтай байсан гэж Исаиа хэлсэн байдаг. Есүс түмэн олны төлөө зодуулан нүдүүлж, нүгэл хилэнцийг нь Өөртөө **үүрч**, үхлээрээ тэднийг Бурханы өмнө зөвт болгосон юм.

Гэхдээ үхэл бол төгсгөл биш юм. Исаиа Тэр үхэх боловч энэ нь Түүний төгсгөл болохгүй, харин цааш үргэлжилнэ гэдгийг урьдаас харж чадсан юм. Иймд Тэр өндөрт өргөгдөн, хүндлэгдэн магтагдаж, дэлхийн өнцөг булан бүрт аврал болох юм. Мессиа хэзээ ч алдаа гаргахгүй бөгөөд Тэр Өөрөө **шинэ гэрээ** юм.

Тэр шүүгч болж, амныхаа саваагаар газрыг дэлдэнэ. Тэр шинэ дэлхийд, шинэ хотод, шинэчлэгдсэн Израилийг захирах болно. Түүнд өвдөг бүр сөхөрч, хэл бүр тангараглах өдөр ирнэ.

Тийм байтал та нар юунд гунигтай байна вэ? Надад хэлээч. Тэдгээр эмэгтэйчүүд та нарт, тэнгэр элч нар Түүнийг үхлээс амилсан гэж байна гэж хэлээгүй юу?

Гайхалтай!



Манайх энэ дээ. Эрхэм ээ, одоо их орой болжээ. Өнөө шөнөдөө манайд хонооч. Бид хоёр Есүсийн тухай эш үзүүлэгийн талаар илүү ихийг сонсмоор байна.



Эрхэм ээ, та хоолны төлөө залбирч өгвөл бид их баярлах байна.



Хөрс шорооноос талх тариаг ургуулдаг Бидний Эзэн, ертөнцийн их хаан Бурхан минь ээ, Та алдарших болтугай! Энэ талхны төлөө бид Тандаа талархъя.



Аваад идэцгээ.

Есүс! Энэ чинь Та юу.

Эзэн минь!



Алга болчихлоо!

Тэр явчихлаа!

Анхнаасаа л Есүс байсан байна шүү дээ!

Бүх эш үзүүлэгийг мэдээд байсан нь аргагүй юм байна л даа.



Есүс амьд байна! Есүс амьд байна! Үхэл Түүнийг дийлсэнгүй! Амьд байна! Бүгдээрээ буцаж Иерусалим уруу очоод дагалдагчдад дуулгая.






Та нар Миний бүх дагалдагч нарт Галилд Надтай уулз гэж хэлэх хэрэгтэй. Тэнд Би та нартай ярина.


Олон жилийн тэртээ Бичээс, Христ та нарын гэм нүглийн төлөө зовон шаналж үхээд гурав дахь өдрөө эргэн амилна. Иерусалимаас эхлээд бүх үндэстэнд Түүний нэрээр нүглийн уучлалын гэмшил тунхаглагдах ёстой гэж бичигдсэн юм.

Би Ариун Сүнсийг явуулж, Тэр та нарын дотор орших хүртэл Иерусалимд хүлээж бай. Ариун Сүнс та нарт сайн мэдээ тунхаглах хүч чадал өгөх болно.



Тэнгэр газар дээрх бүх эрх мэдлийг Надад өгсөн. Иймээс явж, бүх үндэстнийг дагалдагч болгогтун. Эцэг, Хүү, Ариун Сүнсний нэрээр тэдэнд **баптисм хүртээж**, Миний та нарт тушаасан бүгдийг сахин биелүүлэхийг тэдэнд заа. Харагтун, үеийн **төгсгөл** хүртэл Би та нартай **үргэлж** хамт байх болно.

Миний Эцэгийн гэрт орон байр олон бий. Би та нарт орон байр бэлдэхээр явна. Би эргэн ирж та нарыг Өөртөө авна. Тэгээд Миний байх газарт та нар бас хамт байх болно.





Есүсийн дагалдагч нар хэлснийх нь дагуу Иерусалимд очиж, дээрээс ирэх амлагдсан тэрхүү хүчийг арван өдөр залбиран хүлээж байлаа. Өөрсдөө бас үхэлд хүрч болзошгүй байсан учраас дагалдагчид нь Есүсийн амилалтын талаар чөлөөтэй ярихаас айж байсан юм.



Дагалдагчдын залбирч байсан газар доргин чичирч, өрөөн дотор их салхи үлээн, хүн бүрийн дээрээс гал мэт хэлүүд буужээ.



Тэд Ариун Сүнсээр дүүрч, өөрсдийнхөө мэдэхгүй олон хэлээр Бурханыг магтаж эхлэв.



Ариун Сүнс буухад дагалдагчид хүмүүсээс айж эмээлгүй олны өмнө зоригтойгоор Бурханыг магтан хүндэлж байв.


Бидний Эзэн Есүс Христийн Эцэг Бурхан алдарших болтугай!

Эд бүгдээрээ **согтуу** юм уу гэтэл манай хэлээр маш цэвэрхэн, ямар ч аялгагүй яриад байх юм.

Эд чинь **манай** ч хэлээр бас ярьж байна. Энэ хүмүүс яаж ингэж **олон** хэлийг *ийм сайн* сурдаг байна аа? Эд **боловсролтой** улс биш дээ.

Израилийн эрчүүд ээ, **та нар** Есүсийн хийсэн **гайхамшгийг** харлаа. Энэ бол Бурхан Есүстэй хамт байсны баталгаа юм. Хэдий та нар Есүсийг цовдолсон ч **Бурхан Түүнийг үхлээс амилуулсан** билээ.







Энэ чинь нөгөө суумгай байсан хүн шүү дээ. Хөл нь авах юмгүй хатчихсан байсан юм даа.

Хүмүүс энэ хүнийг нөгөө цовдлогдсон Есүсийн нэрээр эдгэрчихсэн гээд байгаа юм.

Та нар яагаад **биднийг** энэ гайхамшгийг үйлдчихсэн юм шиг хараад байгаа юм бэ? Өөрийнх нь Хүү болох та нарын цовдолсон **Есүсийг** Абрахам, Исаак, Иаковын Бурхан алдаршуулсан юм.

Амьдрал бэлэглэгч хан Хөвгүүнийг та нар цовдолсон ч, Бурхан харин Түүнийг **үхлээс босгосныг** бид харсан. Тиймд итгэлээр Эзэн Есүсийн нэрээр энэ хүн эдгэрсэн юм.



Та нар *үл тоомсорлосондоо* Есүсийг цовдолсон гэдгийг би мэдэж байгаа ч ийм зүйл **болно** гэдгийг эш үзүүлэгчид бидэнд эртнээс анхааруулсан билээ.

Та бүхэн намайг мэднэ. Зөвхөн Бурхан л намайг дахин хөлтэй болголоо. Итгэж, **Есүсийг** л дага.



Есүсийн тухай бодол саналаа өөрчилж Түүний дагалдагч нар бологтун. Тэгвэл та нарын гэм нүгэл *арилах* болно.



Есүсийг цовдолсон сүмийн зэрэгтнүүд цэрэг явуулан Петр, Иохан нарыг баривчлуулжээ.

Та нар хүмүүсийг манай шашны эсрэг **гүрхирах** нь зүйд нийцэхгүй асуудал.

Эд нар ямар ч буруу юм хийгээгүй шүү дээ.



Есүс энд байхдаа Өөрөө хийдэг байсан шиг **гайхамшиг** байлаа шүү.

Одоо бүр *суумгай* хүн **явдаг боллоо** гэж баривчилж байх шив дээ.

Манай айлын нэг хүн Есүсийг үхлээс **амилснаас** нь *хойш* харсан гээд байгаа юм. Нэг удаа бүр *таван зуугаад* хүн зэрэг харсан гэсэн шүү.

Би явлаа. Бусад дагалдагчдыг олоод тэд нараас илүү юм олж мэдье.



Бид буруу номтнуудын бүлэглэлийн толгойлогчийг нь цовдлоод, дарчихлаа гэж бодож байсан юм сан.

Тэгвэл Есүсийг хойноос нь хошуурагчидтай нь цуг дахиад хороочихье л доо.

Эд Есүсийг амьд гээд байгаа юм.

За за, тэр хоёр бас эд нартай одоохон нийлэх юм байна даа.

Эд нар Есүсийг тэнгэрт, Эцэг Бурхантай хамт байгаа гээд байгаа юм.



Бид нар энэ хүнийг төрөлхийн суумгай байсныг мэднэ. Та нар яаж ингэж эдгээж чадав? Хэний нэрээр үүнийг хийсэн бэ?

Та нар цовдолж, Бурхан үхлээс амилуулсан Назарын **Есүс Христийн** нэрээр энэ хүн эдгэрсэн юм.
“Барилгачдын голсон чулуу булангийн чулуу болдог” гэсэн Бичээсийн үгийг санагтун.

Өөр ямар ч зүйл аврал өгч чадахгүй: газар дээр хүмүүсийг аврахаар өгөгдсөн өөр ямар ч нэр байхгүй.



Эд нар уул нь хүмүүст тоогдохооргүй л байх ёстой доо. Гэтэл ямар ч сургууль, боловсролгүй мөртлөө эш үзүүлэгчдийн хэлснийг чөлөөтэй иш татаж байх юм.

Нэгэнт үйлдэгдсэн гайхамшийг үгүйсгэх ямар ч арга алга. Хүн болгон тэр хүнийг эдгэрснийг мэдээд зогсохгүй **Есүсийн** дагалдагчид Түүний нэрээр эдгээснийг ч мэднэ. Бид одоо энэ **асуудлыг** шийдэхгүй бол болохгүй дээ.

Би эднийг таньж байна. Эд чинь үнэндээ тэр Есүстэй цуг байдаг байсан юм.



Та нар цааш тэр үхсэн Есүсийн нэрээр яриад эдгээгээд байвал Тэрэнтэйгээ адилхан болно шүү. Ойлгож байна уу, та нар? Одоо эндээс далд орж, **үхлээс амилсан** тухай **утга учиргүй** юмаа надад дахин бүү дуулгаарай.

Эднийг эндээс гарга!

Бурханыг дагахаас илүү таныг дагах нь Бурханы нүдэнд зөв үү, буруу юу, та өөрөө шийдэх болтугай. Бид үзсэн сонссоноо ярих ёстой.

Сайн мэдээ Израилийн
бүх газар нутгаар тархав.
Олон хүн Есүст итгэж
усан баптисм хүргжээ.

Чуулган хайр,
амар тайвнаар
дүүрсэн нэгэн том
гэр бүл болжээ.

Та Есүс Христийн
тухай сайн мэдээг
сонсож дуулсан уу?

Есүс үхлээс амилсан.
Тэр амьд байгаа бөгөөд одоо
ч бидний дунд байна.

Манайхан бүгдээрээ
итгэснээс хойш манай гэрт
анх удаагаа л **амар гайван**
тогтож байгаа шүү.

Чуулганд
эмэгтэйчүүдийг
үнэлж хүндлэн
харьцах болжээ.

Христэд итгэгчид
дуу аялан
ажилладаг байв.

Христэд итгэгчид өдрөөс өдөрт өсөн
нэмэгдэж, өөр хоорондоо байгаа
бүхнээ хуваалцан хэрэглэдэг байв.
Тэд өдөр бүр айлаас айлд, гудам
талбайд тааралдсан болгондоо
Есүсийн тухай зааж сургадаг байлаа.



Израилийн эрчүүд ээ, та нар, Бурхан бидний өвөг дээдэст, үр удам нь харь оронд очин амьдарч, 400 жил боолчлогдсоны дараа Өөрөө тэр үндэстнийг шүүн шийтгэж, ард түмнээ чөлөөлөн, Абрахамд өгсөн газар нутагтаа буцаан авчирна гэж хэлснийг мэддэг билээ.

Стефан, чи тэнэглэхээ болиоч.

Харин Соломон Бурханд өргөө барьсан юм. Дээдийн дээд Нэгэн хүний **гараар** барьсан **сүм дуганд** оршдоггүй билээ. Эш үзүүлэгч ингэж хэлсэн: “Тэнгэр болбоос Миний сэнтий, газар болбоос Миний хөлийн гишгүүр. Надад зориулж та нар ямар сууц барих юм бэ? Би амрах ямар газар байна вэ? Энэ бүх зүйл **Миний мутраар** бүтээгдээгүй гэж үү?”

Чи манай сүм дуганы эсрэг ярьж байна!




Та нар зөрүүд **тэрслүү** хүмүүс. Та нарын зүрх сэтгэл Бурханы өмнө зөв бус байна. Та нар өөрсдийнхөө эцэг өвгөдийн адил Ариун Сүнснийг **эсэргүүцдэг**. Эцгүүд чинь Христийн ирэхийг зөгнөн хэлсэн эш үзүүлэгчдийг хавчин доромжилж хороодог байсан бол та нар Түүнээс урван тэрсэлж амийг нь хөнөөсөн билээ.



Стефан, чи өөрийгөө иудей гэж хэлж чадах уу?

Чи манай хууль заншлыг үгүй хийгээд юугаар солино гэнэ ээ? Цовдлогдсоноосоо хойш хэнд ч үзэгдэж харагдаагүй үхсэн хүнээр үү?

Харатун, тэнгэр нээгдэж хүний Хүү Бурханы баруун гар талд зогсож байгааг би харж байна. **Ямар агуу гайхамшиг вэ!**



Гараараа чихээ бөглөгтүн. Энэ их **доромжлолыг** бүү сонс!

Хотоос гаргаад чулуу шидээд алчих.

Энэ хүн үхвэл зохилттой!



Доромжлогч.

Бид Есүсийг цовдолсон бол чамайг харин чулуу шидэж ална даа.

Энэ манай шашныг үгүй хийхээр оролдож байна.

Намайг чулуугаар шидсэний дараа ч Есүс Эзэн хэвээрээ л байх болно.



Энэ манай шашныг доромжилж байна. Бид үүнийг үхэх ёстой гэж үзэж байна. Саул аа, дээдсээс биднийг дэмжиж байгаа биз дээ?

Би шийтгэхийг зөвшөөрсөн гарын үсгийг нь зурчихъя. Наад хүн чинь тэр үхсэн Назарын Есүсийн дагалдагч нарын нэг байгаа юм. Энэ доромжлол одоо эцэслэх болсон. Чулуугаар шидэж хороох ажлаа эхлүүлж болно.




Саул аа, миний хувцсыг харж байгаарай.

Эзэн Есүс минь ээ, сүнсийг минь хүлээн авна уу. Энэ нүглийг тэдний эсрэг бүү тооцооч.



Фарисай Паул чуулганы эсрэг тэмцэн эрэгтэй, эмэгтэй хүмүүсийг гэрээс нь хөөн шоронд хийж байлаа.



Филип гэгч христигэлт нэгэн хүн залбирч байхад түүн дээр тэнгэр элч ирэн ярьжээ.

Филип ээ, босоод Иерусалимаас Газ уруу урууддаг замаар яв.

Намайг **яагаад** тийшээ яв гэж байгаа юм бол оо? Гэхдээ Бурхан **яв гэж** байгаа бол би **явна аа.**

Энэ өнөө газар мөн юм шиг байна. Одоо **ях ээ Эзэн!**

Эзэн минь ээ, Та надаас юу хүссэн юм бэ?

Сүйх тэрэг! Эзэн Та намайг энд авчирсны учир **энэ** юм уу? Тэргэн дотор Таны өөртөө сонгосон хүн байгаа юм уу?

Явж очоод тэргэнд суу.



Тэргэн дотор Этиопын хатан хааны албанд хүчин зүтгэдэг эрх мэдэл бүхий нэгэн явж байлаа. Энэ хүн тэр хаанчлалын бүх баялаг болох хатан хааны эрдэнэсийн санг хариуцдаг байв. Мөнөөх хүн Иерусалим орж, иудей заншил ёсоор мөргөл үйлдээд Этиоп уруу буцаж яваа нь энэ аж. Тэр замдаа Бичээсээс уншиж явав.

“Тэр нядлагдах хонь мэт хөтлөгдсөн бөгөөд хяргагчийн өмнө буй хурга дуугүй байдаг шиг Тэр амаа ч нээгээгүй юм... Учир нь Түүний амь дэлхийгээс зайлуулагдсан юм.”



Би таныг эш үзүүлэгч **Исаиагийн** номыг уншиж байгааг сонслоо. Та уншиж байгаа юмаа **ойлгож байна уу?**

Чи миний юу уншиж байгааг мэджээ. Хэн нэгэн хүн надад **тайлбарлаж** өгөхгүй бол би ойлгохгүй байна. Ороод ир, **цуг явъя.**



Та сая **Иерусалимаас** ирэв үү?

Тэглээ. Би тэнд мөргөл үйлдэхээр очсон юм. Манай өөрийн шашин ер **амар тайвныг** авчрахгүй юм байна. Бурхан биднээс алс хол бололтой.

Би амлагдсан Мессиагийн тухай уншсан юмаа. Тэгтэл сая Иерусалимд очсон чинь олон мянган хүн Мессиа **ирчихсэн**, бас **цовдлогдоод үхлээс** эргээд **амилчихсан** гэж яриад тунхаглаад байх юм.

Тэгээд л би эш үзүүлэгчдийн бичсэн номуудаас яг иймэрхүү юмны талаар урьдчилан хэлсэн зүйл байна уу, үгүй юү гэж хайж байгаа юм. Энэ эш үзүүлэгч Исаиа өөрийнхөө тухай хэлээд байна уу, эсвэл өөр хүний тухай яриад байна уу, чи мэдэх үү?

Энэ Исаиа ном чинь бараг 800-аад жилийн өмнө бичигдсэн ном. Таны уншиж байгаа энэ 53-р бүлэг чинь Мессиагийн талаар хэлсэн маш олон эш үзүүллэгийн нэг нь л байгаа юм. Энэ дээр Есүсийг "голж доромжилно" гэсэн байгаа юм.

Та Иерусалимаас ирсэн гэлээ. Хэдий Есүс олон агуу гайхамшгийг үйлдсэн боловч манай шашны удирдагчид үл ойшоосон юм.

Исаиа Есүсийг бидний гэм нүглийг төлөхийн тулд шархдан зовлон эдэлнэ гэсэн байдаг. Тавдугаар ишлэл дээр нүгэлтнүүдийн авах ёстой шийтгэл Есүст тохогдоно гэсэн байна.

Зургадугаар ишлэлд би бүр ч их дуртай. Ингэж хэлсэн байдаг. "Бид бүгдээрээ хонь мэт төөрч, хүн бүр өөрийн замаар явав. Харин ЭЗЭН бидний гэмийг бүгдийг нь Түүнд тохов." Энэ ишлэл хүн бүр Бурханы хүслийг орхин өөрийн нүгэлт замаар явсан ч Бурхан харин бидний нүглийг Есүст тохоон үхүүлснээр бидний дуулгаваргүй байдлын төлөөсийг төлүүлсэн гэсэн утгатай аж.

Ишлэл 7 бол Есүс шүүгдэхээр зогсохдоо өөрийгөө өмгөөлөн хамгаалахгүй гэдгийг хэлсэн эш үзүүлэгч.

Ишлэл 8 Өөрийнхөө хүмүүсийн гэм бурууг төлөхийн тулд шоронгоос үхэлд хүргэгдсэн тухай юм.

НҮГЭЛ

Есүс бусад бүх хүмүүс гэм нүгэл үйлдсэн шиг гэм нүгэл үйлдээгүй ч, биеэрээ тэдний нүглийн төлөөс болсон учраас шархдаж, зовлон эдэлсэн юм.

Есдүгээр ишлэлд Есүсийг баян, ядуугийн аль алинтай нь хамт оршуулагдана гэсэн байна.

Ишлэл 10 Есүсийн үхлээс амилсан явдал болоод түүнээс хойших ажил үйлсийн талаар өгүүлж байна.

Маш олон эш үзүүлэгч Есүс амилсныхаа дараа хааны сэнтийд заларч, хожим биднийг үхээд өмнө нь очиход бидний амьдарсан амьдралыг шүүнэ гэсэн байдаг.



Хуулийн багш нар, тахилчид Аврагчийн тухай эш үзүүллэгүүдийг ярьж байхыг би зөндөө сонссон. Гэтэл яахаараа тэд чинь Есүсийг юман чинээ боддоггүй билээ?

Эд нараас өөр Есүс дээр биеллээ олсон эш үзүүллэгүүд байдаг уу?

Дуулал 22 бол Есүсийг цовдлуулсан үхэх тухай эш үзүүлэг байгаа юм.

Хуулийн багш нар, тахилчдын зарим нь Есүсийг хүлээж авсан ч харин зарим нь өөрсдийнх нь хуурамч зан хоёр нүүрийг илчлэхэд уурлан хилэгнэсэн юм. Тэд *ромчуудыг* үгүй хийх Мессиаг хүлээж байсан болохоос биш **гэм нүглийг** нь илчлэх нэгнийг хүлээж байгаагүй юм. Тэд **хаант улсыг** захирахыг хүссэн боловч Бурханаар **зүрх сэтгэлээ** удирдуулахыг хүсээгүй ажээ.

Дуулал ном чинь хүнийг цовдолж шийтгэдэг ёс гарахаас бүр өмнө буюу 1000 жилийн өмнө бичигдсэн гэдэг биз дээ?

Тэгэлгүй яахав. Гэхдээ Бурхан бүх зүйлийг болохоос нь өмнө мэддэг болохоор Мессиагийн тухай бараг 340 эш үзүүлэг хэлэгдсэн байдаг. Үүгээр бид, зөвхөн Есүс л Бурханаас илгээгдсэн жинхэнэ Нэгэн мөн гэдгийг мэддэг юм.

Дуулал 22:16 дээр Есүсийн гар хөл хадаасаар хадуулснаасаа болоод цоорох тухай зөгнөсөн байдаг. *Ишилэл 14-т* маш ихээр цангаж мөн яснууд нь үенээсээ мултарч үхэх тухай байдаг. Харин *Дуулал 34:20-д* Есүс цовдлуулж үхэх боловч Түүний нэг ч яс хугарахгүй гэсэн байдаг. Цовдлуулсан хүмүүсийн ясыг хугалдаг заншилтай. Харин

Есүс аль хэдийн амьсгал хураасан байсан учир ясыг нь хугалах шаардлага байсангүй.

Дуулал 22:17-д хүмүүс Түүнийг нүцгэлнэ гэсэн байдаг бол *18 дугаар ишилэлд* хувцсыг нь хувааж нөмрөгнийх нь төлөө шодно гэсэн байдаг.

Түүнчлэн *Зехариа 12:10-т* гарыг нь хадаж, дараа нь иудейчүүд хадаасных нь сорвийг харах болно гэсэн байдаг. *Исаиа 50:6-д* нурууг нь ташуурдаж, хацрыг нь алгодна гэж бичсэн.

Дуулал 16:10-т хэдийгээр хүмүүс Түүнийг оршуулах боловч бие нь тэнд ялзрахгүй гэж хэлсэн байдаг. Эш үзүүллэгүүд бидэнд Түүний анд найз нь Түүнээс урвах бөгөөд урвагч дараа нь өөрийгөө дүүжлэн, дүүжлүүрээсээ унахдаа гэдэс нь хагаран үхнэ гэсэн байдаг. Хожим нь урвагчийн үхсэн тэр газрыг харийн хүмүүсийг оршуулдаг оршуулгын газар болгожээ.

Саяын ярьсан зүйлүүд болон эш үзүүлэгчдийн бичсэн өөр олон зүйлүүд биелэгдсэн юм. Назарын Есүс Христ бол ертөнцийн Аврагч, Мессиа мөн гэдэгт ямар ч эргэлзээ байхгүй билээ.

Би Есүсийг **Мессиа** гэж итгэж байна. Тэр бол бидний нүглийг авч хаях амлагдсан хурга мөн. Тэгвэл одоо бид ямар ч өргөл өргөх хэрэггүй боллоо шүү дээ. Есүс бол Бурханд хүрэх хаалга юм байна. Би Есүсийн дагалдагч болно.



Та бүхий л зүрх сэтгэлээсээ Есүст итгэж байгаа бол би танд усан баптисм хүртээе.

Энд ус байна! Ер нь усан баптисм хүртэж яагаад болдоггүй билээ?

Ээ тэгэлгүй яах вэ! Би итгэж байна!

Би *Аврагч Эзэн Есүс Христийн* нэр дээр усан баптисм хүртээж байна.



Бурханыг магъя!



Нөгөө хүн чинь хаашаа явчихав?

Алга болчихлоо!

Тэр хүн Бурханд хаа нэгтээ хэрэг болсон байх аа. Этиоп уруугаа буцаж очоод **Мессиагийн** талаар сурсан юмаа хатан хаанд дуулгая.



Тэр цагаас хойш Этиопт сүм чуулганууд байгуулагдаж өнөөгийн лалын шашинтнуудад ихэнх итгэгчид нь алагдах хүртлээ үргэлжилсэн юм.